



Մ Ա Յ Ր Ա Թ Ո Ռ Ո Ւ Մ

Նոյեմբերի 4-ին, կիրակի.—Ը կիրակի զկնիս. Խաչի.

Այսօր Մայր տաճարում իր անդրանիկ եպիսկոպոսական պատարագն է մատուցում տ. Արսեն եպս. Բերբերյանը և «Հայր մեր»-ից առաջ քարոզում՝ աշխարհում կայուն խաղաղություն հաստատելու անհրաժեշտության մասին, Ավետարանի պատգամների լույսի տակ:

Ա. պատարագին ներկա է լինում Վեհափառ Հայրապետը:

*
* *

Նոյեմբերի 11-ին, կիրակի.—Թ կիրակի զկնիս. Խաչի.

Այսօր Մայր տաճարում ա. պատարագ է մատուցում և «Հայր մեր»-ից առաջ քարոզում տ. Մասիս արք. Գալստյանը՝ ա. Խաչի խորհրդի և նշանակության մասին հավատացյալների կյանքում:

*
* *

Նոյեմբերի 16-ին, ուրբաթ.—Այսօր Մայր Աթոռ է ժամանում Ռումինիայի և Բուլղարիայի հայոց թեմերի առաջնորդ տ. Տիրայր եպս. Մարտիրոսյանը:

Հանուն Հայոց Հայրապետի սրբազան հորը օղանավակայանում դիմավորում է Մայր տաճարի լուսարարապետ տ. Հուսիկ

եպս. Սանթրոյանը՝ ընկերակցությամբ Սարգիս արկ. Սարգսյանի:

Մայր տաճարում իր ուխտն ու աղոթքն անելուց հետո, տ. Տիրայր եպիսկոպոսը Վեհաքանոնում աջահամբույրով ստանում է Հայոց Հայրապետի օրհնությունը: Ն. Սրբությունը ողջունում և բարի գալուստ է մաղթում տ. Տիրայր եպիսկոպոսին:

*
* *

Նոյեմբերի 17-ին, շաբաթ.—Այսօր Մայր Աթոռ է ժամանում Երիտասարդ քաղաքական գործիչների ամերիկյան խորհրդի պատվիրակությունը՝ նույն կազմակերպության ղեկավարներ Սպենսեր Օլիվերի և Հարրի Ֆլեմինգի գլխավորությամբ:

Պատվիրակության կազմում էին ԱՄՆ-ի պրեզիդենտի օգնական Պեմ Պատելը, Երիտասարդ դեմոկրատների միության պրեզիդենտ Ռոբերտ Ալենը և ԱՄՆ-ի երիտասարդ քաղաքական այլ գործիչներ:

Հյուրերը ծանոթանում են ա. Էջմիածնի համառոտ պատմությանը, դիտում եկեղեցական արվեստի թանգարանը և Հին Վեհաքանը:

Այնուհետև հյուրերին բարեհաճում է ընդունել Ամենայն Հայոց Վեհափառ Հայրապետը:

Հայոց Հայրապետի և հարգելի հյուրերի միջև տեղի է ունենում ջերմ գրույց՝ արտագին մթնոլորտում:

Նոյեմբերի 18-ին, կիրակի.—Ժ կիրակի զվեհի ա. Խաչի.

Այսօր Մայր տաճարում ա. պատարագ է մատուցում և «Հայր մեր»-ից առաջ քարոզում տ. Աղան վրդ. Բաղդույանը՝ «Արիւն նահատակաց սերուն եկեղեցւոյ» բնաբանով:

Ա. պատարագից հետո, Վեհափառ Հայրապետի նախագահությամբ, տեղի է ունենում հոգեհանգստյան կարգ՝ վերջերս Երեւանում վախճանված երաժշտագետ Միհրան Թումանյանի հիշատակին:

Միհրան Թումանյանը Կոմիտաս վարդապետի «հինգ սաներից» մեկն էր:

1928 թվականին Կոմիտասյան հինգ սաները ցրվում են տարբեր երկրներ: Միհրան Թումանյանը մեկնում է ԱՄՆ և ամերիկահայ գաղութում ծավալում զգալի երաժշտական գործունեություն: Խմբավարական աշխատանքին զուգընթաց նա զբաղվում է Սրբմայր Հայաստանի տարբեր գավառներից հրաժարվ փրկված ու Ամերիկա ապաստանած հայերից ժողովրդական երաժշտության նմուշներ հավաքելով և ձայնագրելով:

Իր կյանքի վերջին տարիները Միհրան Թումանյանը անցկացրեց մայր հայրենիքում, ուր և 1972 թվականին տապաքրվեց իր «Հայրենի երգ ու բան» հավաքածուն (Ս. հատոր):

Նոյեմբերի 21-ին, չորեքշաբթի.—Այսօր Երևանի պետական համալսարանի դահլիճում տեղի է ունենում ա. Ներսես Ծնորհալու մահվան 800-ամյակին նվիրված հանդիսություն՝ համալսարանի «Ժիրակացի» ակումբի նախաձեռնությամբ:

Հանդիսությանը ներկա են լինում. համալսարանի դասախոսներ, ուսանողությունը, մտավորականներ, արվեստագետներ:

Հանդիսությունը բաց է անում «Ժիրակացի» ակումբի նախագահ Ստեփան Մուրադյանը՝ ջերմորեն ոգեկոչելով Ծնորհալու խնկելի անունն ու նվիրակներ հիշատակել:

Այս ա. Ներսես Ծնորհալու կյանքին, գործունեությանը, մատենագրական և, մասնավոր, երաժշտական ժառանգությանը նվիրված բովանդակալից զեկուցումով հանդես է գալիս արվեստագիտության թեկնածու Նիկողոս Թահմիզյանը: Զեկուցման թեման էր «Ծնորհալու իբրև երգասաց»:

Գեղարվեստական բաժնում Ծնորհալու գրվածքների արտասանությամբ և երգեցողությամբ ելույթ են ունենում համալսարանի

ուսանողները, սիրված երգչուհի Գոհար Գասպարյանը, երգիչ Գևորգ Եղիազարյանը և Հայաստանի երգչախմբային ընկերության երգչախումբը՝ գեղարվեստական դեկավորությամբ արվեստի վաստակավոր գործիչ Էմմա Մատուրյանի:

Սույն հանդիսությանը ներկա են լինում Մայր Աթոռի միաբանները և հոգևոր անմարանի ուսանող սարկավագները:

Նոյեմբերի 22-ին, հինգշաբթի.—Այսօր, Վեհափառ Հայրապետի հրավերով, ուխտավորաբար Մայր Աթոռ է ժամանում Եգիպտոսի հայոց թեմի առաջնորդական տեղապահ տ. Զավեն եպս. Չինչիկյանը:

Հանուն Հայոց Հայրապետի օղանավակայանում սրբազան հորը դիմավորում է Մայր տաճարի լուսարարապետ տ. Հուսիկ եպս. Սանթրոքյանը՝ ընկերակցությամբ Աղվան կիսասարկավագ Գասպարյանի:

Մայր տաճարում իր ուխտն ու աղոթքը կատարելուց հետո, տ. Զավեն եպիսկոպոսը Վեհարանում ներկայանում է Հայոց Հայրապետին և աջահամբույրով ստանում նրա օրհնությունը: Ն. Սրբությունը ողջունում է բարի գաղուստ է մաղթում Տ. Զավեն եպիսկոպոսին:

Նոյեմբերի 23-ին, ուրբաթ.—Վեհափառ Հայրապետի հրավերով, Երևան ժամանեցին անգլիկան քույր եկեղեցու արտաքին հարաբերությանց բաժնի վարիչ և Քենթրբերիի Սրբեպիսկոպոսի քարտուղար Հայր Մալք Մուրը՝ Լոնդոնից, և Մոսկվայում Միացյալ Նահանգների դեսպանատան աշխատողների հոգևոր մատակարար հայր Ռեյմոնդ Օպենհայմը՝ իր տիկնոջ հետ՝ Մոսկվայից:

Նոյեմբերի 24-ին մեծարգո հյուրերը այցելեցին ա. Էջմիածին և ընդունվեցին Ամենայն Հայոց Հայրապետի կողմից: Նրանք եղան Մայր տաճարում, եկեղեցական արվեստի թանգարանում:

Կիրակի օրը, նոյեմբերի 25-ին, Մայր Աթոռի հյուրերը ներկա եղան Մայր տաճարում մատուցված ա. պատարագին, որից հետո Վեհարանում նրանց պատվին ճաշկերույթ տրվեց Վեհափառ Հայրապետի կողմից:

Սույն օրը, կեսօրից հետո, հյուրերն այցելեցին ա. Գայանե և ա. Հովհաննես վանքերը, ապա Զվարթնոց տաճարի ավերակները: Երեկոյան նրանք ներկա եղան Երևանի հայֆիլհարմոնիայի մեծ դահլիճում ա. Ներսես

Շնորհալի Հայրապետի մահվան 800-ամյակին նվիրված համերգին:

Հաջորդ օրը հարգարժան հյուրերն այցելեցին հայ նահատակաց հուշարձան՝ Ծիծեռնակաբերդում, Երևանի և Սարգիս եկեղեցի և ս. Գեղարդ վանք:

Երեկոյան հոգևոր ճամբարանի հանդիսարանում հյուրերը ներկա եղան իրենց պատվին կազմակերպված ուսանողական հավաքույթին և ողջույնի խոսքեր ուղղեցին ճամբարանի սաներին:

Նոյեմբերի 27-ին գերապատիվ հայերը այցելեցին ս. Մեսրոպ Մաշտոցի անվան Մատենադարան, պատմության թանգարան, ապա ս. Էջմիածնում հանդիպում ունեցան Հայաստանյայց եկեղեցու Միջեկեղեցական հարաբերությունների բաժնի աշխատակիցների հետ: Այնուհետև Վեհաքանոնում Վեհափառ Հայրապետն ընդունեց հայր Մայքլ Մուրին: Հայոց Հայրապետի և Քենթրբերիի Արքեպիսկոպոսի ներկայացուցչի միջև տեղի ունեցավ ջերմ զրույց, որի ընթացքում շոշափվեցին որոշ հարցեր՝ երկու քույր եկեղեցիների ապագա առավել սերտ գործակցության վերաբերյալ:

Նոյեմբերի 28-ին Մայր Աթոռի հյուրերը այցելեցին Էրեբունի ամրոց և ապա ինքնաթիռով մեկնեցին Մոսկվա:

Մայր Աթոռում և Երևանում գտնվելու օրերին հյուրերին մշտապես ուղեկցում էր

հոգևոր ճամբարանի ավագ վերակացու Սարգիս արկ. Սարգսյանը:

*
*

Նոյեմբերի 23-ին, ուրբաթ.—Այսօր Մայր Աթոռ է այցելում Արևմտյան Բեռլինի ավետարանական եկեղեցու վերապատվելի Վանա Դոր Հարմուրը, որը հոկտեմբերի 25—31 օրերին Մոսկվայում մասնակցել էր Խաղաղասեր ուժերի խաղաղության համաժողովին:

Հարգարժան հյուրին Վեհաքանոնում ընդունում է Ամենայն Հայոց Վեհափառ Հայրապետը և զրույց ունենում նրա հետ:

*
*

Նոյեմբերի 25-ին, կիրակի.—Ա. կիրակի Յիսնակաց.

Այսօր Մայր տաճարում ս. պատարագ է մատուցում ուխտավորաբար Մայր Աթոռում գտնվող եգիպտահայոց առաջնորդական տեղապահ տ. Զավեն եպս. Չինչինյանը և «Հայր մեր»-ից առաջ քարոզում «Ցամաքեցա խոտն, եւ թօթափեցա ծաղիկն. եւ բան Տեառն մնալ լաիտեան» (Եսայի խ 8) բնաբանով:

Ս. պատարագին ներկա է լինում Վեհափառ Հայրապետը:

